



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

III. De adhibendis ad consilium Fratribus. Plura vident plures; hinc Abba
exquirere cures Consilium Fratrum non minùs, atque Patrum.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- o) *Id est, cū procurat sive efficit, ut rationes alienæ, suorum scil. subditorum, bene subsistant in die iudicii.*
- p) *Seu fit sollicitus de suis rationibus, ut illæ bene subsistant.*

16. JAN. 17. MAJI. 16. SEPTEMB.

C A P U T III.

*De adhibendis ad Consilium
fratribus.*

Quoties aliqua præcipua *a* agenda sunt in Monasterio, convocet Abbas omnem congregationem *b*, & dicat ipse *c*, unde *d* agitur. Et audiens Consilium Fratrum tractet apud se, & quod utilius iudicaverit, faciat. Ideo autem omnes ad consilium vocari diximus, quia sæpe juniori Dominus revelat, quod melius est *e*. Sic autem dent Fratres Consilium cum omni humilitatis subiectione *f*, ut non præsumant procaciter defendere, quod eis visum fuerit; sed magis

gīs in Abbatis pendeat arbitrio, ut, quod salubrius judicaverit, ei cuncti obediant. Sed sicut discipulis convenit obedire Magistro g, ita & ipsum providè & justè concedet cuncta disponere. In omnibus h igitur omnes i magistram sequantur Regulam l, neque ab eâ temere devietur m à quoquam.

- a) *Id est, res magni momenti.*
 b) *Putat, præter Novitios, Fratres laicos, & si qui privati sint voce activâ & passivâ.*
 c) *Generatim scilicet, ita, ut sententiam suam nondum aperiat, tum propter assentatores, tum propter timidiores.*
 d) *Id est, de quâ re.*
 e) *Hæc ratio una; 2da, est humilitas in Abbate: 3tia, major vicissim dilectio in subditis: 4ta, quia juxta proverbium plura vident oculi, quàm oculus. &c.*
 f) *Quod fiet, si subditus non sit clamorosus in voce, nec aliorum sententiis reclamans; si non loquatur nisi interrogatus, & juxta Ordinem suum; si utatur hac vel simili formâ: Mihi videtur, puto sic melius fore aut fieri posse salvo judicio meliori.*

- g) Sumitur hic pro Abbate; aliàs etiam pro quovis Superiore.
- h) Intellige, tam in difficilibus, quàm facilibus; tam in communibus, quàm particularibus; tam in minimis, quàm in magnis; nam $\text{\textcircled{O}}$ minorum neglectus est summè nocivus.
- i) Tam Superiores, quàm subditi; tam senes, quàm juniores; tam Patres, quàm Fratres; tam Officiales, quàm simplices Conventuales.
- l) Id est, faciant juxta Regulæ præscriptum.
- m) Hoc est, sinè causâ rationabili recedatur.

17. JAN. 18. MAJI. 17. SEPTEMB.

Nullus in Monasterio proprii cordis sequatur voluntatem, neque præsumat quisquam cum Abbate suo protervè *a* intus vel *b* foris Monasterio contendere *d*. Quod si præsumpserit, regulari disciplinæ subjaceat. Ipse tamen Abbas cum timore Dei & observatione Regulæ omnia faciat, sciens, se procul dubio de omnibus judiciis suis æquissimo Judici Deo rationem redditurum. Siqua verò minora agenda sunt in Monasterii utilitatibus, Seniorum e

tan-

tantum *f* utatur consilio, sicut scriptum est *g*: Omnia fac cum consilio, & post factum non pœnitebis.

a) Nam cum humilitate & moderamine Superiori sua proponere licet, ac subinde aut expediat, aut etiam necessarium est.

b) Duo illa verba malè omittunt quidam cum Smaragdo, volentes, foris nunquam, intrà verò permissam aliquando esse amicam cum Abbate concertationem: nam altera lectio communissima est, & subditis omninò tenenda.

c) Sive extra Monasterium.

d) Seu altercari vel disputare.

e) Per quos Boërius ^{et} Turrecr. intelligunt discretiores, prudentiores & magis expertos; Cassinenses autem, à quibus notè multum discordant statuta nostra Bursfeld. pag. 226. designant Priorem, Decanos, Magistrum Novitiorum & Cellerarium.

f) Id est, saltè.

g) Eccli. 32.